

Khutba Jummah


HADHRAT MUHYI-UD-DIN AL-KHALIFATULLAH

Munir Ahmad Azim

22 Septembre 2017 (01 Muharram 1439 AH)

NAYA SAAL MUBARAK (1439 HIJRI)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - et aussi ene Naya Saal Mubarak pour le nouvel An Islamique 1439 Hijri (et kot surtout li fine fer duah pour le Jamaat Ul Sahih Al Islam pour ene l'année islamique bénie), Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor « Surah Al-Falaq (Ch. 113) »:



SURAH AL-FALAQ (CH. 113) - L'AUBE

- 1. Bismillah-ir-Rahman-ir-Rahim;
- 2. Qoul a'ouzou bi-Rabbil-Falag
- 3. Min sharri maa khalaq

- 4. Wa min-sharri ghaasiqin izaa waqab,
- 5. Wa min-sharri naffaasaati fil uqad
- 6. Wa min-sharri haasidin izaa hasad.
- 1. Au nom d'Allah, Le Très Gracieux, Le Très Miséricordieux
- 2. Dire: Mo dimane protection avec Maître de l'aube
- 3. contre le mal qui So créatures (capave faire),
- 4. contre le mal (qui capave arriver) quand l'obscurité approfondit.
- 5. contre le mal de banne qui crache lor nœuds,
- 6. contre le mal du jaloux, quand li porte so jalousie (li mette lizié) lor kikaine.

Ça chapitre (surah) là fine révélé à la Mecque au début de l'islam et li donne nous ene antidote (contre-poison) pour combattre bane travails de bane satans (travails sataniques), la superstition et la peur ; parcequi li enseigne nous pour refugié nous en Allah contre n'importe ki mal ki capave exister lors ça la terre là, ki li visible ou invisible; par exemple bane complots ki bane dimounes faire, afin pour faire lézot dimounes ditort, et ça surah là li aussi ene remède contre l'envie et jalousie de bane lézot dimounes.

C'est Allah ki fine faire toute sorte l'obscurité disparaître quand Li envoye So la lumière, et c'est Li qui donne dimounes la vie et faire zot senti ki zot vraiment vivant, ki li physique ou spirituel, après ki zot fine passe par ene la mort spirituel. La vie et la mort li ene cycle ki dans la main d'Allah et c'est Li ki contrôler. C'est Allah qui faire disparaître bane travail satanique, bane frayeur ki dimounes faire ou peur, quand Li envoye So la lumière spirituelle. L'homme bizin repousse so frayeur et mettre so confiance en entier avec Allah. Aucaine mal pas pou capave vine lors li kan li sous la protection d'Allah et quand li éna Allah, comme so Puissant Aide contre bane faussetés ki bane satans essaye rode crée, pour faire dimounes peur et perdi confiance en Allah.

Ça surah là li ene *doah* (la prière) adressé à Allah pour demande Li So aide et So protection contre bane méchanceté de bane dimounes ignorants et de bane ki faire lezot dimounes du tort par zot la bouche, la main, zot complot ou *ribat* (médisance). L'homme bizin demande l'aide et protection avec Allah contre bane le cœur jaloux parcequi ene le cœur jaloux, li pli dangereux. Qui faire ? Parcequi li endans le cœur et jaloux là mange le cœur là doucement doucement et ça le cœur là vine noir et li faire so travail en silence afin pour faire du tort sois physiquement ou moralement dimoune séki jaloux là.

Alors, nous bizin libère nous l'esprit de ça bane kalité mauvais ki capave noirci nous le cœur et nous l'âme là. Nous bizin aussi débarrasse nous de la peur, parcequi la peur, li ene faille z'affaire ki capave fini ou dans l'angoisse et tourment et aussi capave faire ou perdi *Imaan* (la foi) et ou confiance en Allah. Nous bizin débarrasse nous de toute sorte kalité l'obscurité ki capave empêche nous l'avancement vers ene meilleure la vie avec la bénédiction d'Allah et le progrès ki vini ensam avec la protection d'Allah. Nous bizin oublier nous bane fautes (bane péchés) ki fine déjà passé et nous concentré pour ki nous pas refaire même bêtise encore.

Nabbi ibaadiii annii anal-Gafuurur-Rahim.

Dire Mo bane serviteurs qui Mo accorde Mo pardon et Mo pitié. (Al-Hijr 15: 50).

Et Allah dire aussi:

Wa anna azaabi huwal azaabul aliim.

Mais aussi Mo punition, c'est ene punition ki faire bien du mal. (Al-Hijr 15: 51).

Quand nous prend résolution pou mettre nous confiance en Allah, nous pou gagne la protection de nous RAB et c'est Allah Li-même ki pou transforme nous ancien condition (c-à-d, quand nous ti dans l'obscurité, dans l'ignorance) et Li dirige nous vers la lumière (vers Li même, So Messager, la compréhension de bane volonté d'Allah etc...).

<u>Verset 2</u>: <u>Qoul a'ouzou bi-Rabbil-Falaq</u> - Dire : Mo dimane protection avec Maître de l'aube (kot <u>l'aube</u> veut dire, naissance soleil après la nuite);

Dans ça lémonde ki Allah fine créer là, éna toute sorte qualité la force et bane (la force) ki vini en sens inverse, surtout bane ki fine vine en actions par bane ki possède ene grand volonté et pouvoir sous n'importe ki forme ki zot été afin pour montré zot bane caractéristique naturel ki zot éna ou par bane dimoune ki exerce ça bane la force là pour zot propre l'avantage, ki li négatif ou positif. Nous capave compare bane la force de bien avec la lumière, et pour bane la force du mal avec la noirté (l'obscurité). Allah ena tout pouvoir kot Li capave fane l'obscurité malgré ki l'épaisseur li été et li faire la lumière englobe ça et faire l'obscurité disparaître complètement. C'est pour ça ki nous bizin libère nous de nous la peur et pour cherche ene abri (protection) auprès d'Allah pour ki Li protège nous et guide nous avec So bonté. Qui sanlà capave protège nous mieux ki Allah ?

Le mot « Falaq » faire référence à l'aube kot point le jour commence apparaître et kot l'obscurité de la nuit disparaîte pour laisse so place à la lumière du soleil (du jour).

Nous capave donne plusieurs interprétations à ça l'expression là :

- (1) littéralement, li veut dire le moment kot dans l'obscurité de la nuit ki pli noir, bane rayons de lumière percer et le début du jour commencer;
- (2) Li capave signifier aussi le moment kot bane ténèbres de l'ignorance (l'époque noir kot l'ignorance, la décadence, la corruption et l'immoralité régné) dans la totalité, petit à petit ça l'obscurité ki éna dans le monde et dans le cœur dimounes disparaître pour laisse place à la lumière d'Allah pour éclaire zot dans le droit chemin et pour illumine l'âme de bane dimounes avec la lumière de la foi. Quand ça lumière là vini, li casse ça noirté extrême là par la volonté d'Allah, kot Allah Li redonne l'espoir à bane dimounes ki dans désespoir, donne la foi (Imaan) à bane sans la foi et bane dimounes ki ti éloigner avec Allah, quoique zot ti croire dans Allah; Mais ki avec routine de ça le monde là, zot fine oublier remercier Allah et adore Li. Quand Allah envoye So la lumière, c'est aussi pendant ene le temps limité kot vraiment faudé l'obscurité fine fini établir li lors la terre et alors Allah envoye de So propre essence, de So propre la lumière, ene messager de parmi bane dimounes même pour fende ça l'obscurité là avec la lumière de la guidance, à travers la compréhension du livre sacré de l'humanité, le Quran et à travers doahs envers Allah.
- (3) Ça l'expression « Falaq » là capave représente le fait ki toute source de vie et d'activités autour de nous et ki nous exercer tous les jours, surtout sur le chemin d'Allah, ça bane là zot forme partie c'est ki appelle la lumière d'Allah, kot la vie en général d'ene humain croyant en Allah, li coupe connection net are ça le monde matérialiste là, et li tourne li complètement en faisant bane louanges d'Allah parcequi li conné ki la création de ça l'univers fine crée dans ene but et li réfléchi et li admettre ki bizin éna ene Maître, ene Dieu, Créateur qui fine créer tous ça et de ce fait li pas vine ingrat envers Allah. Et de l'autre côté bane zaffaire satanique, bane superstition, bane peurs, bane mal de toute sorte ki capave affecter nous, zot forme partie de ça l'obscurité ki si ou pas éna Allah avec ou, ça l'obscurité là pou enveloppe ou, mais quand ou éna Allah avec ou, alors ça l'obscurité là, ça bane peurs là et ça bane tracas là disparaître et pour laisse place la crainte d'Allah (le Taqwa), la certitude, la confiance en Allah. Quand nous place nous confiance seulement dans Allah et dans nous l'esprit, nous pensée éna

seulement Allah à chaque seconde de nous la vie, alors nous pour tous les temps protégé de ça bane l'obscurité là.

Verset 3 : Min sharri maa khalaq - contre le mal qui So créatures (capave faire);

C'est nous confiance en Allah ki mette nous à l'abri de toutes sortes kalités frayeurs (la peur), superstition, bane dangers et le mal.

Éna 3 espèces méchancetés ki fine spécifié dans bane 3 versets ki suivre, et nous meilleur protection contre ça bane méchancetés là, c'est ene confiance totale ki nous bizin éna en Allah, car c'est Li la Lumière de bane léciels et la terre là. Ça bane méchancetés là zot :

- (1) bane dangers physique, ki représenter par l'obscurité;
- (2) bane dangers ki trouver en nous-même (dans nous l'esprit et nous le cœur) ki capave nuire nous et ça shaytane ki éna dans nous là manifester.
- (3) bane dangers physique externes, qui vine de nous l'entourage, et qui bane résultats d'ene volonté ki fine corrompu (fine gâté) dans tous so l'état et ki rode détruire tous le bien ki Allah fine donne nous.

<u>Verset 4 : Wa min-sharri ghaasiqin izaa waqab - contre le mal (qui capave arriver) quand l'obscurité approfondit (vine pli profond);</u>

L'obscurité de la nuit, c-à-d, ene obscurité physique ki nous capave trouver avec nous lizié, li représente bien bane dangers physiques et bane difficultés qui nous capave gagner. Beaucoup dimounes gagne peur dans noir (l'obscurité), ene l'obscurité ki physique, mais tous bane dimounes gagne peur bane malheurs ki capave vine lors zot lécorps, bane accidents et bane calamités. Faudé pas nous gagne aukaine frayeur, mais nous bizin éna confiance en Allah après ki nous fine prend bane précautions raisonnables.

<u>Verset 5 : Wa min-sharri naffaasaati fil uqad</u> - contre le mal qui bane qui crache lors nœuds (bane qui pratique magique - sorcellerie);

'Bane ki pratique magique' — So phrase littérale c'est 'bane ki crache lors nœuds'; souffler (cracher) lors bane nœuds ti la pratique favori de bane femmes sans moralité et ki suivre bane traces de satans à travers la pratique de la sorcellerie. Qui li la magie ou la sorcellerie, tous les deux mette la peur, la frayeur dans le cœur et l'esprit dimounes. Ça

bane pratiques satanique là capave en forme de la magie noir, ou bane complots secrets, ou l'étalage de bane fausses charmes et l'indécence, ou bien *Ribat* et conséquence terrible de *Ribat* ki li publique ou secret, ou bane calomnies ki fausse, ki bane mauvais dimounes faire pour effraye bane bons dimounes, bane lézot dimounes ou bien pour essaye rode dévié zot du droit chemin. Tous ça là c'est fraudes mais ki malheureusement dimounes laisse zot tenté par ça. Alors zot bizin faire ene moyen éloigne avec ça et tous bane crainte ou frayeur ki attaché avec ça.

<u>Verset 6 :</u> Wa min-sharri haasidin izaa hasad - contre le mal du jaloux, quand li porte so jalousie (li mette lizié) lors kikaine.

Bane dimounes qui envié bane lézot, et qui laisse zot emporter dans ene mauvais façon par la jalousie et la haine, zot capave mette ça jalousie et la haine là en action, et zot rode détruire le bonheur ou le bien matériel ou spirituel ki bane lézot jouir. Meilleur protection ki exister pour éloigne nous de ça bane envie négatif des autres là, pour éloigne ça jalousie là et ça la haine là, c'est la confiance pure en Allah, nous Rab, nous Créateur et ki nous contignié préserve nous de ça bane liziés là en restant dans zikr et prié Allah avec ene sincérité totale de nous le cœur et la pureté de nous l'âme.

Alors nous faire *doahs* ki Allah aide nous pou combatte tous bane mals ki exister, que ce soit ki zot trouve dans nous et tous autour de nous, et ki Allah aide nous pour toujours marche dans le chemin de So la lumière et ki Li guide tous bane ki dans noireté, dans l'obscurité de la spiritualité et dirige zot vers vrai la foi, vers ene soumission totale à Li seul, avec ene la paix et l'harmonie spirituelle. *Insha-Allah, Ameen*.